



**Bosna i Hercegovina
Federacija Bosne i Hercegovine
Kanton Sarajevo
Javna ustanova**

SREDNJOŠKOLSKI CENTAR VOGOŠĆA

Broj: 639 /24

Datum, 22.03.2024. godine

Na osnovu člana 143. Zakona o srednjem obrazovanju ("Službene novine Kantona Sarajevo" broj: 23/17, 30/19 i 33/21), shodno Odluci o davanju saglasnosti Vlade Kantona Sarajevo broj 02-04-7734-21.3/24 od 07.03.2024.godine na Pravilnik o sticanju i raspodjeli vlastitih prihoda JU Srednjoškolski centar Vogošća broj: 2899/23 od dana 14.12.2023.godine, Školski odbor sjednici održanoj dana 22.03.2024. godine jednoglasno d o n o s i

ODLUKU

I

Pravilnik o sticanju i raspodjeli vlastitih prihoda JU Srednjoškolski centar Vogošća broj: 2899/23 od dana 14.12.2023.godine stupa na snagu danom 18.03.2024.godine

II

Odluka je donesena jednoglasno.

Dostaviti

- Oglasna ploča
- Računovodstvo
- Školski odbor
- a/a



Predsjednik Školskog odbora


Azem Hamzić, dipl. maš.ing

Na osnovu članova 7. i 143. Zakona o srednjem obrazovanju Kantona Sarajevo ("Službene novine KS", broj: 23/17; 30/19 i 33/21), te članova 22. i 161. Pravila Javne ustanove Srednjoškolski centar Vogošća, u skladu s Pravilnika o vrstama vlastitih javnih prihoda u Federaciji Bosne i Hercegovine („Službene novine F BiH“ broj 104/22) i Smjernicama Ministarstva za odgoj i obrazovanje Kantona Sarajevo broj: 11-07/01-11-1134-1/23 od 25.04.2023. godine, i izmjenama Smjernica Ministarstva za odgoj i obrazovanje Kantona Sarajevo u vezi sa donošenjem akta o vlastitim javnim приходима broj 11-07/01-11-1134-2/23 od 11.05.2023.godine uz saglasnost Sindikalne organizacije JU Srednjoškolski centar Vogošća, Školski odbor na sjednici održanoj 14.12.2023.godine, jednoglasno donosi

P R A V I L N I K

O STICANJU I RASPODJELI VLASTITIH PRIHODA

JAVNE USTANOVE SREDNJOŠKOLSKI CENTAR VOGOŠĆA

I OPĆE ODREDBE

Član 1.

(Predmet Pravilnika)

(1) Pravilnikom o sticanju i raspodjeli vlastitih prihoda (u daljem tekstu: Pravilnik) uređuje se način sticanja, pravni osnov i raspodjela vlastitih sredstava Javne ustanove Srednjoškolski centar Vogošća (u daljnjem tekstu: Škola).

Član 2.

(Vlastiti prihodi Škole, način i rokovi raspodjele)

(1) Vlastiti prihodi koje ostvari Škola, kao budžetski korisnik Kantona Sarajevo, obavljanjem osnovne djelatnosti i ostalih djelatnosti za koje ima saglasnost nadležnih organa, javni su prihodi koji se u cjelosti raspoređuju Školi u skladu s ovim Pravilnikom.

(2) Prihodi ostvareni obavljanjem djelatnosti koriste se za pokriće redovnih rashoda. Škola je dužna, na osnovu planiranih vlastitih prihoda, planirati i rashode koje će pokriti iz tih prihoda. Rashodi nastali obavljanjem djelatnosti moraju se u cijelosti pokriti iz prihoda iste djelatnosti.

(3) Vlastiti prihodi se koriste u toku fiskalne godine, a neutrošeni dio vlastitih prihoda postaje javni prihod Budžeta naredne godine.

Član 2a.

(Pravni osnov)

Pravni osnov za donošenje Pravilnika o sticanju i raspodjeli vlastitih prihoda JU Srednjoškolski centar Vogošća je: Zakon o srednjem obrazovanju (Službene novine Kantona Sarajevo broj: 23/17,30/19,33/21).

II STICANJE VLASTITIH PRIHODA

Član 3.

(Način ostvarivanja vlastitih prihoda)

(1) Pod vlastitim приходима koje ostvaruje Škola podrazumijevaju se:

- a) Prihodi ostvareni po osnovu realizacije obrazovanja vanrednih kandidata/učenika;
- b) Prihodi od izdavanje izvoda iz nastavnog plana i programa;
- c) Prihodi ostvareni od izdavanja opreme i prostora u zakup;
- d) Prihodi ostvareni od prodaje otpadnog materijala;
- e) Prihodi ostvareni od prodaje proizvoda i usluga učenika na praktičnoj nastavi;

Član 4.

(Naknada za realizaciju obrazovanja vanrednih kandidata/učenika)

(1) Cijene usluga za sticanje srednjeg obrazovanja Javne ustanove Srednjoškolski centar Vogošća za zanimanja trećeg i četvrtog stepena stručne spreme/zanimanja ekonomski tehničar, mašinski tehničar, mašinski tehničar konstruktor na računaru, mašinski tehničar za kompjutersko upravljanje mašinama CNC, mašinski tehničar za CNC tehnologiju, automehaničar, autolimar, zavarivač, operater na CNC alatnim mašinama za obradu skidanjem strugotine, obrađivač na CNC mašinama, prodavač utvrđuju se u slijedećim iznosima:

- Upisnina za školsku godinu 55 KM;
- Ispit bez pismenog dijela 33 KM;
- Ispit sa pismenim dijelom 45 KM;
- Ispit iz praktične nastave 45 KM;
- Završni/matarski ispit/sa praksom/..... 80 KM;
- Instruktivna nastava za grupu od 10 kandidata i više (po času) /..... 5 KM;
- Instruktivna nastava za grupu do 10 kandidata (po času)10 KM.
- Troškovi praktične nastave:
 - a) ekonomski tehničar8 KM
 - b) ostali..... 33 KM;

Član 5.

(Naknada za izdavanje izvoda iz nastavnog plana i programa)

(1) Za izdavanje izvoda iz nastavnog plana i programa podnosioci zahtjeva uplaćuju novčani iznos od 66 KM.

Član 6.

(Prihodi ostvareni od naknada za izdavanje opreme i prostora u zakup)

(1) Škola može dati u zakup nepokretnu imovinu i opremu koja nije neophodna za nesmetano obavljanje djelatnosti.

(2) Odluku o izdavanju i visini zakupnine donosi Školski odbor.

Član 7.

(Prihodi ostvareni od prodaje otpadnog materijala)

(1) Škola može sticati prihode ostvarene od prodaje otpadnog materijala.

(2) Odluku o naknadi i upotrebi ovih sredstava donosi Školski odbor.

Član 8.

(Prihodi ostvareni od prodaje proizvoda)

(1) Škola fizičkim i pravnim licima prodaje proizvode koje učenici izrade na praktičnoj nastavi, u okviru svojih djelatnosti za čije obavljanje je ovlaštena aktima nadležnih državnih organa, u skladu sa zakonskim propisima.

(2) Cijene proizvoda iz stava (1) ovog člana utvrđuju se odlukom Školskog odbora.

III RASPODJELA VLASTITIH PRIHODA

Član 9.

(Raspodjela vlastitih prihoda Škole)

(1) Vlastiti prihodi koje Škola ostvari raspoređuju se, kako slijedi:

1. Prihodi ostvareni po osnovu realizacije obrazovanja vanrednih kandidata/učenika raspoređuju se, kako slijedi:

- 60% za naknade radnicima koji sudjeluju u realizaciji poslova,
- 20% za materijalne troškove, sitan inventar i usluge i tekuće transfere,
- 20% za nabavku stalnih sredstava.

Radnicima koji su sudjelovali u realizaciji poslova iz stava stava (1) tačka 1. ovog člana prihodi ostvareni po ovom osnovu raspoređuju se kako slijedi: a) direktoru 15%, b) samostalnom referentu za plan i analizu 15% i nastavnicima koji su učestvovali u realizaciji obrazovanja vanrednih kandidata/učenika 70 %“

Dio prihoda koji pripadaju nastavnicima, ostvarenih po osnovu realizacije instruktivne nastave, raspoređuje se kako slijedi:

- 60% za naknade nastavnicima za održane časove,
- 40% za naknade ostalim radnicima izvan nastave koji sudjeluju u realizaciji poslova, u okviru kojih se sredstva raspoređuju na slijedeći način:

- Direktor	20 %;
- Voditelj dijela nastavnog procesa	20 %;
- Razrednik	20 %;
- Računovodstveni radnik	20 %;
- Rukovalac nastavnom tehnikom	5%;
- Administrativni tehničar	5 %;
- Tehničko osoblje ukupno	10 %.

Dio prihoda koji pripadaju nastavnicima, ostvarenih po osnovu realizacije ispita, raspoređuje se kako slijedi:

- 20% od cijene ispita za naknadu ispitivaču,
- 30% od cijene ispita za naknade ostalim članovima ispitne komisije,
- 50% za naknade ostalim radnicima izvan nastave koji sudjeluju u realizaciji poslova, u okviru kojih se sredstva raspoređuju na slijedeći način:

- Direktor	20 %;
- Voditelj dijela nastavnog procesa	20 %;
- Razrednik	20 %;
- Računovodstveni radnik	20 %;
- Rukovalac nastavnom tehnikom	5%;
- Administrativni tehničar	5 %;
- Tehničko osoblje ukupno	10 %.

Dio prihoda koji pripadaju radnicima, ostvarenih po osnovu organizacije upisa, raspoređuje se kako slijedi:

- Direktor	20 %;
- Pomoćnik direktora	20 %;
- Sekretar	20 %;
- Računovodstveni radnik	20 %;
- Administrativni tehničar	20 %.

2. Prihodi od izdavanja izvoda iz NPP-a, raspoređuju se na slijedeći način:

- 30% za naknade radnicima koji sudjeluju u realizaciji poslova,
- 40% za materijalne troškove, tekuće održavanje i nabavku opreme,
- 30% za stručno usavršavanje, sportske i kulturne aktivnosti, takmičenja, nagrade učenicima i ostale namjene.

Dio prihoda namjenjeni za naknade radnicima za opće, ekonomske i tehničke poslove iz sredstava po osnovu sticanja prihoda od izdavanja izvoda iz NPP-a dijele se kako slijedi:

- Direktor 30%
- Administrativni tehničar 60%
- Računovodstveni radnik 10%.

3. Prihodi ostvareni po osnovu prodaje otpadnog materijala, raspoređuju se na slijedeći način:
- 20% za materijalne troškove, tekuće održavanje i nabavku opreme,
 - 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.
4. Prihodi ostvareni od prodaje proizvoda sa praktične nastave, raspoređuju se na slijedeći način:
- 20% za materijalne troškove, tekuće održavanje i nabavku opreme,
 - 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.
- (2) Procenti u okviru ovih raspodjela se odnose na naknade u bruto iznosu .

IV PRAĆENJE NAPLATE VLASTITIH PRIHODA I IZVJEŠTAJ O UTROŠKU VLASTITIH PRIHODA

Član 10.

(Raspoređivanje, praćenje naplate i rokova raspoređivanja vlastitih prihoda Škole)

- (1) Škola je dužna, ostvarene i naplaćene vlastite prihode, rasporediti na rashode u finansijskim mjesečnim planovima izvršavanja Budžeta.
- (2) Škola je dužna redovno pratiti, putem izvještaja Ministarstva finansija Kantona Sarajevo, dospelost i naplatu vlastitih prihoda.

Član 11.

(Izveštaj o utrošku vlastitih prihoda)

- (1) Škola, kao budžetski korisnik, utvrđuje Izveštaj o utrošku vlastitih prihoda.
- (2) Izveštaj o utrošku vlastitih prihoda Škola dostavlja Ministarstvu za odgoj i obrazovanje Kantona Sarajevo, najmanje jedanput u 6 /šest/ mjeseci.

V PRIJELAZNE I ZAVRŠNE ODREDBE

Član 12.

(Ostala pitanja)

- (1) Na pitanja koja nisu uređena ovim Pravilnikom primjenjivat će se odredbe Pravilnika o vrstama vlastitih prihoda u Federaciji Bosne i Hercegovine.

Član 13.

(Stupanje na snagu Pravilnika)

- (1) Ovaj Pravilnik stupa na snagu po dostavljanju saglasnosti Vlade Kantona Sarajevo.

Član 14.

(Prestanak važenja ranijih akata)

- (1) Stupanjem na snagu ovog Pravilnika prestaje da važi Pravilnik o kriterijima za sticanje i raspodjelu vlastitih prihoda Javne ustanove Srednjoškolski centar Vogošća broj: 462/18 od 12.03.2018. godine i objavit će se na oglasnoj ploči i web stranici škole.

Broj: 2899/23

Datum, 14.12.2023. godine



Predsjednik Školskog odbora

Azem Hamzić, dipl.maš.ing